

四庫全書

集部

欽定四庫全書

本堂集卷二十二

宋 陳著 撰

七言律詩

次韻石秀叔城歸卜鄰

從來熟處易留人
辜負初心墊角巾
盍與溪山酬素約
任將風月洗黃塵
口猶有齒先嘗乳
事付無言但飲醇
見說明朝又東去
莫教虛夢覓詩鄰

題梅逸林隱君祠

潔蠲老筆記祠庭更把辭情韻入聲誓守松楸為得死
肯戕桑梓買偷生衣冠圖畫君心事香火焚脩子血誠
孝義本來無世變有誰下馬拂丘塋

次韻王聖傳

名曰省

自嘆

道義相從自一宗世人擾擾等雞蟲桂坊素襲多文富
橘隱何憂五鬼窮寬以平田為日用笑將逆境付天公
何時王翰相鄰住尊酒論詩兩醉翁

用前韻自述

憶昔微官玷瞽宗歸來十載坐山窮有家却似髡頭釋
無齒真成吮乳翁話不必清泰吉了餓猶未死信天公
餘生趑趄只如此看取東坡賦二蟲

外孫黃阿相生日

湖山聚秀繫斯文汝更崢嶸瑞戶門嵩里是人誇宅相
慈溪之後有曾孫書聲自可怡重慶家學何妨漲一源
遠大相期吾耄矣莫將苦語等閒言

送嚴伯長教授

名德元

邑庠任滿

手揚教鐸下龍汀三載從容擅最稱
祿釜半虛家繼廩
書窻獨冷任如僧
狎曾問字春風坐
惜欠論心夜雨燈
此去蘭臺芸閣遠
尚須時寄一溪藤

次韻義烏賈養晦

字哲甫

元夕書懷

新得新晴縱夜遊
紗籠喝道肯遲留
風流買市皆如願
雪艷歌筵醉莫愁
不放時光半分過
亦知人世一漚浮
星星燈火須臾事
何似長看素月流

次韻王監叔

君家深似武陵源，又出雲來旆影翻。
負笈肯忘勤北里，影纓長說海東門。
健收風月歸談麈，醉挽江河入酒尊。
回首溪山吾老矣，笑盟知有幾番溫。

次韻姪溥偶成

玉藤新墨照雙明，便覺梅天暑溽輕。
兩屋清風交樹影，一團和氣壽家聲。
肯陪醉興林遊暢，更喜騷懷草夢成。
向上路頭須努力，席門元不困陳平。

次韻前人重陽

說道貧閒亦自忙，誰知碩果自存陽。
堪憐凍病如無已，不復狂遊似季常。
過眼世情多遂臭，閉門家話自生香。
重陽已在西風裏，空有龍山入夢鄉。

十月九日醉中二首

八十二年真過分，兩三間屋謾偷安。
家人病退藥方熟，兒子歸來酒量寬。
祇把詩書供日用，不知宇宙有風寒。
開門但放溪山入，心本無他誰得干。

人生欲滿十分難得七分安便是安鳥信天公終不死
鵬於雲路本來寬須知老眼今如古肯徇時情煖換寒
說與兒曹能解意相看一笑倚闌干

送阮子俊

名歸池陽
假

袖携諸老義門詩奕奕精神起病衰千里遠來風教地
一言不及浪游私山家飯粟論交淡驛路逢梅信步遲
古道靄然三代上由來好事要扶持

次韻胡山甫

名哲

誰敲拄杖碧溪灣
得見霞城老則山
對面相驚風鑿舊
論心不放雨燈閒
浮生夢蟻淒涼外
春意啼鶉遠近間
幸有新詩相慰籍
忍攀垂柳送東還

山甫用前韻留別因又次韻送行

二十年來一見慳
好風吹到小丹山
心交融暢醒如醉
詩話綢繆忙亦閒
村况非今非古處
花時半雨半晴間
君今更欲尋僧去
知有吟邊債未還

鄉人為余再賞鳳花求賦

朝陽鳴處發天和，昨化靈根植寶坡。
翠峯雙飛供襯色，血誠百喙染芳窠。
儀韶難赴風雲會，在數何妨歲月多。
翼翼自珍無一語，暗聽遊客賦卷阿。

次韻石秀叔慈雲逃席自解

山林幸是絕埃氛，舊事誰嗟散幅裙。

註云西漢末都人皆折腰步散幅裙

方外老交心似水，坐中高論氣騰雲。
盃盤引興真相率，鐘鼓催晨醉不聞。
但願長留風月主，從今徑造免移文。
董君藻之子時脩隨其師戴時可來見八句勉之

分明眉目綠雙丫意氣融融十歲華若要終身行路正
須防小學入門差人心不古皆流俗師範如今獨當家
八十老翁無長語九經終有好生涯

次韻楊君貴

字改之

來訪

雲自悠悠日自長棲棲破屋七峯陽危時不死風潮泡
耄境猶生石火光銜袖殷懃迂客旆聯珠錯落照山場
扶衰展玩無時節細把詩中一味芳

君貴用前韻來謝又次韻答之

青鞋踏過剡山長
黃菊初香替紫陽
情話綢繆無世變
意吟瀟洒似秋光
別來杏苑經三載
問及花厓夢一場
我亦風前霜後葉
饒君青髮擅春芳

次韻史猷父

西崦殘暉薄
首丘與猿同
嘯鶴同遊山林
一出資驚笑
風雨多情管
滯留前別忽
來如再世
後期禁得又
三秋
湖天倘有相從
分為我何妨
割牛洲

次韻應誠則

明文

次楊君貴韻
來求乃父長卿墓

銘

眼中宿草感懷長聽徹啼鶉送洛陽萍世生涯隨日異
花屋門徑尚風光心知父志能全我文得家傳早擅場
天也有人方寸事本根深處自流芳

送李仲實

名夢登

官郡學任滿歸餘姚

手分教雨灑鄰庠咫尺河汾明越鄉一正不為屋壁異
三年相與藻芹香梅花時節催行色藜焰風流要當行
應有青雲扶健翼摩挲老眼看翺翔

次韻衢州孔名達

名昭孫

官郡學得代詩送行

三載分甌正學規
初心原不為窮饑
官身恰似僧遊錫
歸面無慙嬾織機
霄漢故交為有後
山林遺老辱相依
前程步步須珍重
歲晚江空人物稀

賈養晦以其父叔厚

純之所賦臨清亭詩求和因用

韻寄題

湖邊小築匾臨清
眼力高人巧思營
再世規模為日久
一區光景得天成
兒孫受用功名外
朋友過從水竹情

我亦要投瀟洒約恨無鷓鴣骨駕雲輕

四月朔日鄉飲於董氏之依綠亭口占

道義為鄉自不同肯隨流俗唾衰翁高談驚散洗紅雨
清夜喚回依綠風直欲鳶魚相上下那知烏兎有西東
得閒不樂真堪笑金谷平泉總是空

贈陸可復西遊

梅弄疎花近暖天搖搖征旆溯西船江湖濶處多奇遇
風月初心及少年莫向晚唐中入局須從老杜上加鞭

耄夫語拙幾乎罵免示他人作怪傳

次韻楊君貴

趁小春晴步履來相從溪屋冷生涯山林眼力空時態
風月詩聲起病懷薄酒出筭多亦醉晚崧入饌淡為佳
人間樂處聊云耳此外本無丘與厓

王得淦次子侑生日求詩

梅窻生得寧馨兒乳腹方離氣已竒傳就外居來歲事
學從小入去年時擅三元美家誰繼有二郎賢父自知

可是老夫虛贊祝向來功業是人為

次韻邑丞高潔堂

名純心

任滿來辭

與雲遊戲佐棠陰古道誰云不到今三載二松公事處
百年喬木世臣心黃綠肯及通家舊饑餓何妨閉戶深
公去那知遺愛在老來猶聽畫簾琴

贈薛總管棄官從道

壯年自下退工夫看破人間戲劇圖靈運在家心已放
知章還里計非迂梅花夢好拋鴛侶蕙帳閒多引鶴鷗

湖海風波任澎湃白雲飛處結屠蘇

次韻邑宰丁既之點舟白杜

馬首爭迎我魯山山村風景趁詩還
樵蘇飽煖烟千聚鷗鷺平安綠幾灣
似把宦榮拋度外但收民喜上眉間
作舟事業纔輕試餘从恢恢心自閒

次韻前人雪中

晚風吹下六花祥喜到眉間淺色黃
旋積層寒消夙瘴平施一白洗時妝
要尋閉戶家形迹肯為乘驢客斷腸

歲事已占禾麥好與民相慶着詩忙

次邑宰丁既之道中韵

開遍梅花柳漸絲
甘棠次第又添詩
馬頭村路皆官况
面上春風已自知
山筆重時諳事體
蒲鞭輕處惜民肌
老夫尚解隨人後
舞勸碑潭水一卮

次前人為人誣告受羊

冰檠肝腸無詭隨
徒囂何物妄相持
夢魂不到菜園破
行止肯令芒屨知
安用舌埋防異日
空聞肉袒有當時

從他萬口自公議誰學償金直不疑

次前人拉遊南山借意道別

公與南山是夙知三年對面肯輕離
長汀明月催孤棹廣莫高風酌一卮
采菊空懷忘辯意有臺須立太平基
坐巖巖處如追舊盡取瑞峯留退思

次韻邑宰徐何慊

名文郁

出示所作五首

詩是天機不浪吟自吟自正自規箴
參成鳳詔經綸手識得麟經筆削心
宇宙中間皆分事雲霄高處是知音

從來老練功名大兩鬢何妨點雪侵

誰其知我獨春秋小試毫芒大用留二萬言書闕社稷
八分地位傲公侯儒家本色饒青眼仕路焦心早白頭
笑殺庸人謾多事包荒襟量自休休

嶽峯一嶺曉光寒曾次乾坤本自寬高處何妨吞裏港
捲時渾欲隱中盤攢眉舊市誰安宅加額殘民自擁鞭
慈父母來千載過手將平易掃艱難

錦製才高底怕傷手揮煩熱坐清涼豁開心上平明鏡

看破人間戲散場
縣裏方將客醉白
臺端只怕趣催黃
梅花本是酸寒物
終累他年鐵石腸

笠戰西風馬噴沙
帆檣迎浪舞神鴉
調舟欲助江流柿
入海非求棗似瓜
歸客迂尋桑社景
吟鞭香帶木犀花
行邊好語應聽得
秋月春風六萬家

本堂集卷二十二

欽定四庫全書

本堂集卷二十三

宋 陳著 撰

七言律詩

次韻徐何慊九日登南山

廣莫亭前秋氣清
招邀酒伴走庖兵
悠然誰解知真意
樂只應須在太平
直列上峯饒獨步
盡收下界入雙明
滿頭分馥隨歸馬
惟有黃花不世情

次韻程仲實僉事紀行名

桂

道脉來從洛二程天教馳戀福東瀛筆頭有海清塵濁
曾次如春效雪晴喜拍蓬壺鼇亦拊攀遮梅邑馬難行
恨無老翼隨飛去歲晚江空潮自生

次韻翁古晚府判

名元臣

見贈二首

清風明月滿蓬瀛誰識監州問世生道義濃香薰政譜
文章餘力到詩城素儒不買三妹媚好客能容一坐驚
見說鋒車春在路北門西掖是功名

振訊離裊病鶴形算篁影下話平生受原憲業惟環堵
遡德公心不入城日把寸量着蝶夢雲拖一出被猿驚
自慚迂學經題品輸與兩生無姓名

贈袁杰入越

綠髮紅顏玉屑膚南風吹送上雲衢平生師友相從去
本色功名一笑圖庠校元非餽口地詩書却是護身符
頽波世事那堪說要見人間有丈夫

次韻翁古晚見寄就送其之京

萬里風雲路向前功名盍趁仕強年
心如李杜誰爭焰心是夷齊下問泉
別駕有功歌沸海築臺在望勇趣燕
自慚筋力難追送側耳凌清上集賢

次前人卜居得鄰

買屋相依老翰林滿腔新意見新吟
浮雲仕宦四方志明月家山千里心
鄰誼可曾分楚越詩盟那有遠何陰
老夫亦忝桐鄉籍賀履行須曳足音

段縣尉

名嗣宗

以兄約齋

名超宗

二詩求和因次韻

兄弟誰無仕宦情約齋好處最分明自緣友誼勤相遜
可是詩懷要獨清道義終身為日用功名外物等雲輕
閉門見說都無事教子詩書是治生

女兄歸蕭氏夫死誓守柏舟郡聞於朝賜旌表褒

節

終身堅白表重閨一粹真如玉不痕能使齊侯歸弔室
自應沛相奏題門青天有眼臨霜節黃壤知心晏夜魂
不見鄞江八行史葉夫人德長兒孫

弔室齊侯弔杞梁妻事題門劉長卿

妻夫死刑

再自誓事

送東平趙孟頫赴徽政院譯史

秀出東平禮樂闢將軍來覽小南山
西風承命雙親下
上國媒身九譯間
騰踏青雲金驛去
笑迎綠髮錦衣還
氣方銳處須珍重
莫把贈言為等閒

似李德昌州判

借重東南官府新
與秋高潔更春溫
公心足寄黃堂印
信令如開綵棒門
純用詩書中古味
樂聞名利外陳言

老夫也為鄉鄰賀硬忍須臾一出村

似星同知名

聚

通守魚符委任隆規模新處見新功來從北斗光躔下
坐治南山紫翠中載路政聲如藥石契天心盡在屏風
深深到底清相映一派碑渾水取公

似臧伯通

名涓

玉壺冰裏見精神來望芙蓉幕府新放胆擔當難處事
立身扶植不平人公家退食門如水淡處論交面自春

不是渾身皆古道肯分一盼老山民

似鄭宗平

幕府新開紫氣臨紅蓮綠水照初心宦遊受用家庭訓
公退尋盟湖海吟傍塔山居真吏隱酌碑潭影當官箴
自矜出谷兒嬉老一面春風得最深

次韻徐何慊詠雪

馮夷剪水暗中央映帶同雲淺與黃旋積層寒消宿瘴
平鋪一白洗時妝行仙休羨玉恭興僵叟應關洛令腸

不覺喜吟豐歲瑞方知知是為民忙

又次韻前人見示

世事紛紛亂似絲放交公道總堪持三年仁政從頭去
百里人心是已知脉絡相關真為國毫釐不便甚捐兒
殘生何幸身觀見也擬公堂舉壽卮

代吳景年次韻淨慈寺主僧頓上人二首

烏驅兔迫一衰翁始信浮生總是空拈掇琴書終日事
依棲梅竹百年轂無官不用憂三黜安分何勞送五窮

咫尺上方鐘鼓地從師學佛便須躬

遠公陶陸成千古誰復相從過虎溪西隱老師雖有約
北山俗駕似無齊詩來日午雙瞳醒句出天心萬象低
詩課家僮脩茗供松風清處坐分題

代浦城權縣趙節推鹿鳴宴詩

潛藩歲貢素多才捷報歡聲沸似雷南浦士流新姓字
西山夫子舊胚胎登榮仙籍香浮桂得意春魁信任梅
此去天衢齊縱靶代庖祇餞幸重來

代前人次韻趙縣尉即席詩

舊來曾此攝雷封
免策駑鞭愧罔功
自分依蓮遊綠水
豈期沿檄又秋風
今來似昔還多事
我亦無他祇一中
此去未知能淑後
時知藥石賴明公

代天府曾安撫

子淵

鹿鳴宴詩

笙簧聲合溢春風
春在江梅第一叢
月旦姓名光上國
日邊步武便南宮
看花自是長安客
對景當如橫浦翁
盃酒殷勤相屬處
崢嶸頭角已爭雄

代京尹吳山雲益雪應賀廟堂二首

安排寒事做年華老手薇垣第一家神女先驅行雨旆
馮夷隨剪舞風花萬塵並納真平等一色橫陳絕點瑕
養樂堂前清賞處賀班方退紫宸衙

非才承乏尹瑤京何幸親逢造化凝因地腴豐歲事
均調天氣壽民生春歸休念采薇戍夜捷已聞垂瓠城
方信太平元有象九街簫鼓合歡聲

壽吳景年

托迹紅塵不染塵
逕梅溪竹共精神
字真正逼張居士
禪味曾叅印上人
聲色素輕非為老
鬚眉難皓却如新
兒孫須得文章力
富貴叢中一壽椿

次韻剡僧孜書記

縣如殘寺裹荒城
僧幹窮緣耐苦聲
雖把慈悲供日用
可能方便徇人情
四明山背看雲近
九里灣頭呷水清
支遁後身偏念我
惠來詩好愧兼榮

如岳上人求賦剡鹿苑寺一覽閣

層簷危鎮梵王宮景物都歸兩碧瞳
九萬里風斯在下
三千世界本來空詩懷浩浩晴欄外
人事滔滔流水東
凝竚移時還瞑坐胸中天地自玲瓏

次韻弟觀咏丹山池荷

寺枕丹霞五月涼藕花數朶碧漪塘
梵天幻出水雲錦
法雨洗空時世妝七寶池邊分得種
大乘經裏噴來香
是花是色只如是笑拍闌干何有鄉

又次前韻

一雨西來滿寺涼，盈盈不語立方塘。
遠公白社所脩種，淨土青胎無點妝。
要向花光見菩薩，肯從色界問蓮香。
回頭玉手雙盃處，多少風流墮醉鄉。

蓮香楚
妓名

次韻張子開教授遊伏錫寺偶成

禪老慈悲下界愁，長詩招我到深幽。
人知晚節陶元亮，誰識初心馬少游。
星月天高空遠鵲，江湖風惡不容鷗。
苦無十畝田堪捨，借得僧房飯幾秋。

聞丹山主僧德周欲退慈雲主僧齡叟，晉此作

識破機關便出林滿天劫火可能侵水流不去青山影
風雨俱高白鶴心物外弟兄昆相契合眼中世界幾浮沈
是知處處虛西榻難得慈雲一片陰

次韻弟觀似永固寺主僧可叅

天女多年為散花晚年來此寄年華貧因好客井如釐
詩解醒人苦似茶入室謾為雲作主開窗惟許月通家
有詩得句忙題處滿壁淋漓字濕鴉

再次前韻

老友姑從方外求危時亦可少行憂笑圖難贅餘人契
病室應關一世愁淡飯是緣終有味故山雖好莫回頭
滿航雪意元無價住色空中足應酬

壽法椿長老二首

慈雲一坐十年過耐受空門末劫魔晨粥應緣千里到
秋糧入供寸功磨當風松幹神彌爽經雪梅花韻更多
大地山河供一笑底須天女問云何

一相從後便相知結得因緣似許竒如水笑談多盡日

與雲來往本無時為蓮社約非吾事讀藕花詩欲汝師
熟處不妨安穩住江湖風浪更交誰

次韻弟苴懷歸

同聲相應甚塌簷雨夜聯牀只有詩斷港謾生歸棹興
流年空感浴蘭時良思難與世情說衰病聊將僧定移
須信滯流皆有命不然安用老天為

似法椿長老

山林有福足慈雲一耐中間百廢新詩榻話香來雅伴

齋鐘聲好撼禪鄰紅顏藥力如平日青眼梅花又小春
欲贊法身安穩處年年松竹長精神

壽炳同長老

飛雪亭邊欲雪天當年生日又今年雲山卓錫閒心外
湖海燒香笑面前每為寒交傾鉢施更多雅客問詩禪
取高高處長長壽贊嘆中間歡喜緣

似告成寺主僧蟾秋海

出宮牆外步冬暄轉憇黃花翠竹邊一笑過言非本色

相留清供亦前緣
土酥飮潔昏眇醒
湯乳包香老齒便
祇恐醉陶終愛酒
難陪惠遠共脩蓮

次韻趙孟益遊西山寺

佛何為者占崔嵬
引得騷朋蹈險來
洗鉢有泉披草見
入門無徑鑿巖開
避人幽鳥毛生樣
守屋殘生面死灰
自是世間心絕處
靈山無分莫徘徊

次韻石秀叔慈雲避席自解

幽居便合洗城氛
清隱如何及屐屨
橫浦名為交佛日

眉山老自愛朝雲逃筵觥罰寧甘受隔壁釵聲想暗聞
色即是空曾記否饒君百喙亦難文

本堂集卷二十三

欽定四庫全書

本堂集卷二十四

宋 陳著 撰

五言古詩

次韻竹窻兄

名元龍

松詩為其病也

獨立南山巔
傲視氛翳表
虬枝結成蓋
寄託紛蔓蒿
風霜受變足
萬古為一曉
日日當戶門
蒼翠濃可抱

遊慈雲分韻得是字

僧闕可人心况此晴色美踏蘚滑路多訪菊香處是引
飲吞山光清嘯落松子我有即事詩就埽石壁紀

寄具勉齊馮桂坡

美人隔江水相思江水深江水日夜流從我東去心春
風百花老把酒別草草邂逅未可期梅杏黃已飽

次前韻再寄二首

誰言溝澮淺誰言滄溟深淺不如世態深不如我心我
心先齒老不蹈章臺草寄語知心人故書足自飽

昨日寄君詩詩說君契深君詩今日來深於我詩心期
君松不老我得如蔓草相依無棄憎分我風月飽

次韻戴成叔

名廷節

君子當固死達亦豈吾病有心事窮達斯與天者競仕
可以致君止則歸田咏孔子聖之時善學即鄒孟蟋蟀
秋乃鳴反舌不鳴夏天地如草亭萬物寄虛架達人窮
物理嗜理如嗜炙動靜各有時由然會心舍世上貪鄙
夫紛紛如蔓草榮華能幾時風霜不足掃美人如黃金

百鍊色愈好用舍無益損此理須辨早當年雪溪翁知
命故知足平生一退字厚施不食祿高潔嚴子陵清賢
段干木溪上多子孫林樹森搖玉傍家數畝園景物便
偃仰水近竹愈青土腴花怒長得閱日月長萬里歸坐
想有時發孤嘯山谷答清響鑿地引山泉泉脉老擾擾
池上有新亭池下菱荷遠色香兩超絕天然本非矯花
開日開宴醉裏人世小青山如有期住處故當屋山勢
面南來發岡自岷蜀其下生偉人自反自常縮達觀萬

物表山界歸一粟朝家相真賢表表梧桐樹羣賢如鳳
皇飛翔得依附風來驚四鄰汗走僵訓註云何太山巔
蒼蒼豈其數雪溪後人賢門戶鬱相符牙籤三萬軸研
究勤三餘天命未可期毋嗟失東隅但問道在已窮達
何關儒我生一斷梗會見親舊踈新詩如春風習習勤
噓枯謝君和君詩句甚形神癯一笑當會此各道意所
如

次韻竹窻兄欲死嘆

人生天地間所患在身死身死人誰逃所患不在此所
患死其心此患無比侶厥初天賦性未始分賢鄙賢鄙
何由分由自全自燬是故君子儒明德至善止不問身
死生誰論時泰否紛紛蒙昧徒知有外物爾富貴苟可
圖違恤理如彼求容足稱香喪志手落七本心不復存
躋壽何足美我兄竹窻兄勁節修竹倚一病二十年坐
受五賊使題齋曰委順無怨當沒齒聞兄賦欲死我方
疑所以及觀欲死辭終亦委順矣委順則心安長須心

此理

無題

鏡中看青山山色非塵寰月中看水光全勝日中看山
水本無改所過成異顏朝過齊王門暮叩西秦關人生
貴知己不遇何不還了了心自定我居山水間

送樓侗提幹赴省

綠髮方山冠白玉氣色溫高談霏木屑不問能知文去
秋奪標歸今步南宮雲儒科青氈耳指取氣欲吞春風

看花馬已繫長安門知君必得意何以持贈君事業浩
無窮學問為本根我懷先獻公况君乃其孫

送徐倅

名獻子

堂堂東家英文章筆如椽筭篁駐鄆城迎刃解劇煩家
聲出闔閭詔使歸日邊人方辦盃水前事乃不然才難
復才難得見青琅玕愛護猶恐傷那可輕棄捐不見諸
葛公終薦龐士元

送趙權院

名西之

彼美稽山松託根高高峯當年脫蓬蒿直上將擎空卓
立旁無依磊砢多春冬風霜受變足身老氣益充蒼翠
照四山枝柯結虬龍世人那能見塵埃昧雙瞳匠師知
何在立當要路中需林方皇皇有材能不容行須中尺
度終為大廈供

賦樓提幹古檜因贈其之官

我行畫錦坊老檜欺眼碧樛枝巧相扶衆星拱月壁人
力固有待面勢本天則受益雨露深風霜莫能賊維黃

楊州公好此如好德千金買歸家與德共封植秀出攻
媿齋管領無媿色立朝大節成有詩見胸臆三世傳到
君培養當益力不墜先正心是乃子孫職君今西入關
此樹留鄉國看君德日進此樹日滋息他日成名歸相
對兩竒特

憐猫示內

黑花一銜蟬畜之今幾年捕攫奔走捷巧黠乃其天一
嚮亦割啗分與眠席眠邇來主人出出久厨無煙罄空

主輩少時得聊自延不就鄰媼呼寧饑肯垂涎夜寒身
無棲竈窟恬餘暄灰染突塵浣毛色非舊鮮主人來歸
初逸室如訴冤旁人固不解主人當知憐云何云可惡
惡彼身孿拳依隨行坐間呵叱加箠鞭不念昔可愛惟
惡今非前本來是一物色改遂愛遷吁嗟乎貓乎豈獨
於猫然人於夫媼間情義亦罕全花顏少年時猥倚心
相纏皤皤白髮垂相醜亦相妍吁嗟乎人乎有耳聽我
言人生七十稀能得幾時安糟糠不一堂當與宋弘肩

不然祇自苦於我何益焉我賦我婦讀一笑願不愆

無題

秋色薄山色黃葉溪景瘠出門欲何之失笑坐溪石冥
鴻入層霄感次萬里翼手中鐵拄杖睨視難枉尺起舞
衣袂揚不借西風力浩浩天地間誰能省頭白

夜窻書懷

夜深萬籟平危坐弗閉戶不著沈麝香一空清侶許竹
涼露易零鮮鮮正亭戶彈琴大小聲鬼語雜風雨琴罷

復長吟吟罷復起舞人生三萬日胡可弱不武越石勇
着鞭相如志題柱惟患不自立彼於我非愈青萍已出
匣撫視氣如虎生侯死廟食可以噬而取安能久居此
燈花甘自苦

乙卯鄉貢鹿鳴宴次韻制使陳叔方

名勸駕

我朝自開國聚奎五星明人物輩稷契製作諧莖英從
來詞賦學尤負器職名沂公事業富蜀公德望清手提
文正印身為國長城貌然予小子亦知師長鄉細將狀

月露壯欲吞幽并消磨几幾載僥倖才一鳴自謂雖頽
脫猶有劔氣橫師帥重吹送寒賤分光榮向前步驟濶
平生溫飽輕終懷勸駕禮肯負鹿鳴聲

題寧國府涇縣琴高堂

一山逶迤來結崖俯寒碧傳聞控鯉仙垂釣山下石前
事不必窮要是古竒迹山中好事者築亭占清特數本
瀟洒花松竹更幽閒我來西風晴一洗塵土昔出門復
回首山前有歸翼

先兄至能遠忌丙寅十一月十七日行都謝氏家

遇作

人生有兄弟手足相扶持兄死我獨生我生獨何為父
母生我晚我憶我兒痴兄出我挽袖兄入我迎衣低頭
嗅我頭垂手牽我隨指望我長成指授詩與書嘉定癸
未春援筆題春詞詞云青春過二十七年期識語殊可
怪河魚忽乘之纏綿日以革醫藥窮所施我父解衣典
我母窮無炊猶謂病有瘳誰料終莫醫家徒四壁立正

賴兄撐支進有功名望退有救水資胡然遽止此門戶
將依誰風雨屋棟傾江海忘楫維父母相持哭二姊哭
撫尸時我甫十載痛哭已深知我今五十三夢見猶涕
洩今日是何日有感兄死時老泪滴復滴往事那可思
回首天地間闕墻何人斯我抱無兄恨且為世道悲耿
耿不成句聊以示諸兒

壽王修齋樞密

名煥

凜凜霜雪根拍拍天地仁皎皎枝上花卷舒幾冬春結

實調古鼎深味薄俗顰珍重不盡用嚴風護南津

右南津梅

楚楚青琅玕亭亭上碧落層層凜秋稜不與春風約動
搖清風生塵濁空萬壑常時一味靜水月環采若

右采苦竹

的的芳種傳足足清氣結鮮鮮擢寒叢色正香自冽世
人豈不愛或者隨境別木落百草黃獨也壽霜傑

右霜傑菊

矯矯千尺強蒼蒼起層陰紛紛相投依百鳥諧春吟風
餐冰雪嚴誰共歲晚心獨鳥從何來徘徊行石林

右石林松

剡縣次韻張兼

名伯奇

夜月聯句

停棹即堦除空明一境如飛毫僵庶可吐句走靈舒
闢裏自靜好公餘相起居愛君情款密稗我事迂踈念
念民租少言言都計虛入林難即鹿竭澤恐無魚立政
諳平實行符審疾舒函牛且雞汁服驥偶鹽車斟酌黃
流

積留連翠織裾務滋桃李種首事草茅鋤願却幸毗子
同商雋永書溪山萬寶藏穹壤一蘧廬吟吻饒供茗官
庖貴買蔬塵勞資洗濯技癢互爬梳生活侵韓賈襟期
聽耳餘雪舟如興盡共此復誰歟

題錢靜觀

名真
孫

江山萬里圖

迢迢江山上萬變紛起伏中間崛竒多忽此入平沃草
對近或遠來去自鳧鷖宇宙本來寬景物常滿目此意
知者誰烟林有茅屋

謝國英

名應

送苦筴

直節見初茁苦心甘自珍紛紛夏籜中獨養歲寒身遣
送從山西衝破赤日塵揖入生菜筵氣味酷相親譬之
古人拳彼獨為何人

次韻弟觀用陶元亮歸田園居韻

麻麥在東阡桑柘在南陌鳥飛魚在淵生意各自適相
逢如相知非苟旦與夕此心乃平生誰能開間隙嗟彼
何人斯徒為形所役役役本無名於何見勞績富貴死

之際清聞終有益

本堂集卷二十四

欽定四庫全書

本堂集卷二十五

宋 陳著 撰

五言古詩

九月十日鄉人醺飲丹山分韻得地字

流景赴壑蛇浮生遷穴蟻世變茲已極擾擾欲何事淡
飲養丹田守口為福地常時不出戶一年兩遊寺清霜
又芳菊舉頭花前醉里人重斯集彷彿鄉飲意叙坐既

有倫交勉言亦至老成示典刑少壯修容止知者勿籠
愚勿以利傷義實行培本根餘力及文字宇宙自顛冥
存古強吾里扶持復扶持相與無彼此酒云酒云乎淵
乎有餘味

次韻張子開次子試晬

聞昔寧馨兒如馬千里馳或秀如芝蘭或如釘坐黎居
易生七月已能指無之又比令狐楚五歲善屬辭是皆
非偏爾陰有造物司吾鄙正氣旺楊泣墨子悲誰知世

變極所見及所期卓哉子張子不問今何時種德以種
子愈出而愈竒元方既及冠可寶已不貲經史日研精
甚於渴與饑百發當百中善射如由基亦日後自積王
魏不仕隋再索又得兒照室光陸離今朝歲一周岐嶷
傲娥羲叢珍試初步動覺猶矩規燦燦文在手炯炯向
在眉但喜家傳昌浮機豈終危宇宙一開泰扶植須人
為在外寄藩屏在朝資棟儀雖當保抱中方來事可龜
風埃自瀕洞庭堦且諧熙眼底雙鳳雛笑唾燕雀卑而

况表獨立硬脊非韋脂觀志既有人一脉如抽絲作室
必肯堂何患不墜茨此事真慶事他事非所怡我老拙
已固無能說項斯來詩走風檣難用蠡管窺趣筆聊示
耳深愧無精思

用前人代二子用前韻來謝韻

蒼蒼本無為烏兔爭飛馳今日為何日誰叩和與羲舉
目萬感集秋風黍離離人生能幾何夢境蛛營絲或以
烹自售變詐如鞅斯或以舌交戰縱橫如秦儀亦或事

曠達蛻形慕安期不則逃空虛灰心從闍梨不曰古聖
賢自有天根基為己非為人積學如積貨弗廢一日葺
庶幾百志熙世遠教法散有識如退之試觀訓符讀道
義不以規貴賤何足云而乃徒費辭進學以為解詩易
分葩竒安貧以知命妻兒任寒饑既而及行藝願欲中
有司未忘功名徑

闕

荆棘茨堂堂山斗望為論如彼卑吾師吾孔子曾子而
子思以至孟軻氏四書炳著龜君家兩英嗣珠璧光和

隋元方知自力聞奧次第窺既以習語話行有向學時
光陰電一抹聖狂幾甚危百行孝為本氣下色愉怡極
而察天地造物自齊眉苦語贊義方一洗時粧脂勉旃
復勉旃忽重老大悲還以自警省就示吾諸兒

用前人示諸兒

世事紛游塵薄俗囂鬪鷄手足誰魯衛肝胆多越秦獨
君先君子父事吾先人我得從之游義與同胞鈞上而
下四方相依為齒唇間嘗道病殆飲食藥餌親卓卓乎

古道難言但書紳今及其子交知愛邁等倫不曰淡無
味如嗜千里蓴其子又其孫秀異良可珍架有萬牙籤
膝間又循循功名特土苴學術要深淳工夫入細處力
行自忱恂推而致廣大直扶天地垠書積非易事難欺
是蒼旻不觀冬閉固發為青陽春因知栽者培根本前
人身萬事風絮盡盛德脩唯湮契稠無浪語感舊還酸
辛吾年七十近不入時材掄眼昏惟內顧遑知世粧新
耳聾謝外聞免飲聒者醇溪曲五畝園安受閉戶貧蔬

畦野草徑月夕清風晨杖屨攜諸兒俯仰時一巡殘息
尚可延何幸里有仁豈無泰交期得輿展轉神遠業歸
後生我得為天民

和單君範古意六首

歲事有豐歟官稅無減除誰知山中田沙土多蒿蕪秋
來倘有成猶恐纔半租或其水旱至不足償耰鋤三歎
家百畝無復三代初妻兒忽相問明朝飲何如

右農

學圃益如何先說畦菜法栽種及天陰灌溉須雨歇更
欲樹花果古方難泯滅不見郭橐駝纖悉傳以列於以
供釜烹於以佐杯勺頗疑魯夫子却鄙樊遲拙

右圃

枯者既就拾濕者亦既束空此一谷薪載之可折軸下
山售市價得糧不能宿誰知此時心氣塞口自嘿安得
如買臣賣薪有時足

右樵

一笛橫秋風渺渺心話長勿效漢卜式得郎不為身當
如老甯戚飲歌不為狂騃正驕騰萬里水草場誰知
北海上啣雪對天狼

右牧

莊叟非觀魚遊戲何有鄉靈均豈漁者聊以歌滄浪超
然網罟外千載名字香今人志多取曲鉤有餘殃魚死
心亦死胡為不自傷勿謂得忘筌未得筌以忘

右戲

虎技止三跳氣暴志匪深人皆望而畏所宅在崎嶇時
乎出山谷爪利牙齒森豈無勉有力激烈盡殺心我聞
亦一快細思又沈吟就然射石者未必能生擒

右獵

書范景山湘先丈逸事

竭來望公亭聞者范老子盛德自有銘逸事有未紀如
彼沙滙墳實塋外舅氏纍纍塚十四誰計後不祀懷券
售之人枯骨聽擲棄公心惻惻然能忘我先妣猛捐十

倍價復此不毛地至今上塚飯免為若敖鬼又如域西山寸山寸金置山人已過望我懷不自己當公未死時而適山人死碩斥眠牛崗欲塋惟其意夫先嬭隨後同穴墳隆起世隆俗日薄安識仁與義先世未百年來者已弗記況於外氏家代盡子孫事買山未一刻賣者不敢視况容賣主塋為人重於己中心所樂為焉有一毫偽死者豈無知造物非塊爾公雖不求報感應乃常理後嗣何其賢相契繼前志范氏其與乎吾無間然矣

深出贅歸省再往嬭氏家

父子恩愛重人生別離苦惟汝善事我我亦深愛汝我
今年七十又有多病母出贅非汝心事有難直取寸步
安可離而乃江山阻憶昨汝歸時大暑走風雨身如出
水菱淋瀝帶泥瀟弱質又逃病老懷方免慮胡為有力
者夜半負篋去兀自無完衣轉使無赤露命窮不可醫眉
攢若為訴我心愈惻惻還送汝行路奈何其奈何聽我
細分付出入誰能無歸期况堪數遠遊必有方無愧聖

人語得失亦何常
翕然雲散聚不見
古君子隨甌寧復
顧賢哉汝嬪翁
可以就規矩琴瑟
相好合更聞汝得
婦足寬父母心
百里在庭戶
謹勿困閒愁
宗事要擔負

喜弟觀得男彌月數句識之

我昔四十七正室能始抱命蹇坐遲晚不及含飴笑
今始絕勝我較我一年早手撫宗嫡孫况有眉壽老汝心
當何如喜氣浮襁褓何幸親見之是子當跨竈深源出
芳流感德受豈報家慶三世圖人間如此少彌月湯餅

席雲集尊與少歡極不知醉老懷得傾倒平生汝從我
篤友肝胆照凜然來者懼今乃知有紹回首我四兒賢
否雖未料庶如我汝心世世式相好

次韻弟觀避難

北風行黑殺東南天柱折忠臣鋸解頭文士刀抉舌我
亦走危途腥埃蒙面鐵攀緣極稜層雙跟迸斂血山人
邂逅驚強顏取容悅班荆分菜糜兒童笑流歎荼毒復
荼毒難說更難說十月初五夜山林陰烝合骨肉復何


之無從知死活眼光射先廬山人火烈烈虎狼相往來
左右無寸挾吞聲哭達旦忽與妻孥接相持牽衣裳透
膚霜露浹何時是歸時細思增鬱結且見春令飛遶樹
日千匝

次韻淪留避地有書欲歸用前韻示之

離亂身命危煩惱頭髮折我兒在山南百書饒苦舌誰
知我憶兒如火燉心鐵人生恩愛海各自憐骨血初謂
時節好膝下長娛悅願今各相遠矛頭苟舖歆兵馬交

往來近日尤難說急頭一隙寬呼兒歸暫合未問溝壑
填且偷須臾活春來兩日強寒氣猶凜烈寄巢不蔽風
敗纒聊同挾父坐母蓐卧兄立弟裾接分散得團圞不
語意自決為白潤姊知未須生悃結明朝倘可行亦須

回一匝



本堂集卷二十五

欽定四庫全書

集部
本堂集卷

二十六至
三十二

詳校官庶吉士_臣 李傅熊

主事_臣 呂雲棟覆勘

總校官進士_臣

朱鈐

校對官修撰_臣

吳錫齡

騰錄監生_臣

陳廷鑑

欽定四庫全書

本堂集卷二十六

宋 陳著 撰

五言古詩

午酌對盆蘭有感

山中酒一樽樽前蘭一盆
蘭影落酒卮疑是湘原魂
乘醉誦離騷意欲招湘原
湘原不可招桃李花正繁
春事已如此難言復難言
聊借一卮酒酌此幽蘭根
或者千

載後清香滿乾坤

送竺甥秀

恭惟吾外祖盛德表一鄉身都雲南瑞一母十郎娘吾
母實居長鍾愛非尋常擇壻俗流外眼高意見長豈無
富豪家熟視不得當吾父本儒家詩禮夙自將乃以吾
母妻相期早騰驤誰知古壘洗不入盆盎場回遡外祖
心終老弗能忘膝間出苦語此心汝其償飲泣何敢受
負山類蚊蟲二十一年間母沒父亦亡我髮既種種杏

園僅霑芳着鞭幸有路益與忽仆僵前言空在耳欲報
天茫茫吾壻在吾前吾子羅吾旁努力各努力世道須
明昌聽之勿藐藐方來那可量庶幾未了事發為前人
光

深自婦氏歸侍

我生貧非窮有子環我膝深汝實居長何可去頃刻碩
從百里外贅滯日復日事有不得已我心常壹鬱昨朝
烏鵲喜夜得歸端的淪洵急迎路呼燈走奴厮歸兒如

猶子先跳門限出女潤卧東牀方困痰寒室忽聞兄到
家夙恙一笑失骨肉恩愛重此歸真藥石春風花氣香
今夕是何夕酌汝一盃酒聽我言歷歷我老不任事幹
盡汝宜力汝母且多病佐饋婦之職三弟要讀書惟汝
身勵率妹笄何以嫁汝亦當織悉如此復如此汝坐能
安席汝今雖有嬾未歸未為畢而况危亂世離別重悽
惻一家得團圞茶苦甘於蜜歸來早歸來我年七十一

次如心姪古意韻

妻孥恩愛深生死同一窓胡然成別離使汝悲涕雙人
世能幾何明滅風燈幢有家尚堪活奚久滯他鄉安得
歸來舟順風自南江

送董伯和疏西歸

葉葉青霞衣來赴山中期相看到忘言日夜春風吹昨
夜雨瀟瀟今日君欲歸人生如夢寐世道甚嶮巖我髮
白已光况堪生別離君歸不可駐我心得君知欄干與
雲平白鳥來往飛安得身有翼長與相追隨舉手一揖

別不作兒女悲一樽尚可同百里非天涯

贈僧仁澤解后以數語

舒明遠之子

溫溫白玉璞楚楚秋蘭香胡為乎此中紙帳栢子房詩
書豈不仁宿念落渺茫况有白髮親朝露爭餘光時復
一回首雲飛青天長人生能幾何世事那能量不觀身
上衣昔緇今忽黃我亦何心者解后成感傷颯然清風
來欲言言已忘

季秋既望吾族子姪以老人會於我家名曰燕老

集此意亦可尚醉後寫其意

颯颯西來風吹不開眉端團團空中月照不見肺肝菊
花仍舊香過雁秋年年我懷人得知流光逝如川況此
苟活身包羞天地間不如先露晞安用空流連兒輩何
為者芋栗菘藿盤將以壽我酒歲晚松在山我謂非我
意掉頭三長嘆遠勝不肯離且笑且進言陶潛杜少陵
逢時更多艱何嘗便忘軀得酒即開顏父子恩愛重一
刻難輕拚世路雖偏仄天道又好還但是強健在心事

終已寬是亦救水具非如五鼎難庶幾詩禮風聊以娛
親安再拜固以請願領家庭歡勤勤苦費辭細聽理亦
然強飲竟成醉援筆如狂顛梗槩粗以見不覺盈長箋
呼兒為我歌勿與醒者傳

敬賦虛齋孫君容膝

名凝字
德夫

雲連屋不居三間葺茅茨田園非不寬一畝環竹籬楚
楚山下花湛湛池邊落文室南坡下容膝以扁之誰謂
方回旋天境春熙熙壺中着仙翁芥子菴須彌虛誕彼

異端我則異於斯聖賢與我對經訓星日垂可以讀離
騷可以擊壤詩回頭紛紛者金碧貯狂癡聲色性命斧
財貨盜賊資皇皇寤其廬日壞不足私蚊蚋同旦暮不
滿一啜嗤豈識天下樂本非外樂為已大物自小心曠
神斯怡一則萬條貫靜者動著龜吾方謀一榻盡老聊
娛嬉今日為何日此理知者誰達哉子孫子吾知吾有
師

贈弟觀之王傳心館數語送行

今日為何日風雨春寒癡吾心方惻惻門外剝啄誰謂
我欲見兄迎面三吁嘻出語復梗塞書擔行有期豈不
懷室家將以療我饑平生手足誼奈何忽違離執手同
與言吾道其果非達則仕行志窮則為人師去家二舍
近非是天一涯行矣汝其勉第問歸何時久而俛首答
身如馬受羈去住不在我此况誰得知五年七十四疾
病常乘衰汝年亦五十半髮成雪絲年事俱至此時光
去如飛紫荆次第花鳴雁羣相歸觸目多感慨贈別難

為辭但聞主人賢安心免相思明朝溪亭酒為我酌一
卮

張時齋書生也坐窮以星學資身贈其遠行

書生例饑困世路方偏仄胡為乎此中兀兀朝以夕問
之俛而答初意豈今日幾年燈火牕謂可生羽翼時事
出難料竟作沉海石寒谷春難回涸轍水難激聊蒙星
家波食此一涓滴終然不自贍拍案動遠色江湖天風
長萬里誰能繫姑以術資行或者儒得力泰與否相除

剝與復消息要知窮非窮當遇識者識

贈舒亦山入越

名楙

危世無山林頽俗無門戶彼美詩書身悠然自為趣揚
揚飛霞珮清風導前路借問欲何之謂我稽山去春風
白雲曉禹穴蒼烟暮平生磊礪懷高吟弔千古茲行良
不惡欲贈無他語如逢梅市仙試與謀出處

避難西坑用淪韻

春雨宜農耕逆旅愁坐雨雪寒饑殺人豪富雪中舞憂

樂古來殊欲說頭自俯見山豈不愛身危心不武入深
復入深有人如子午生死未可知誰能問其苦

用前韻謝奉慈寺主僧居簡

人情相入處春風與時雨詩來少陵歌酒到淵明舞我
窮適相侶肯為黃金俯忍饑固其常笑視京文武忽來
方外餉渾家飽炊午此是法喜供非如乞字苦

遊慈雲似齡叟

我來景照堂主人一笑領蔬筍充我饑芻朮療我病坐

久不知晚夜榻留以並世事方東流人情入西暝茲逢
豈假合如形有隨影不言自相知無味足雋永潛遠意
悠悠披仰心炯炯頌我為何人古今兩照映餘言不可
寫手拍闌干猛雲飛風滿山萬動歸一靜

次韻演雅

洛陽棘滿門連昌茵當衙枸杞怪成犬寄奴妖見蛇芸
香虛辟蠹鞠梅工兩蛙黃檗到裏苦紫荊無外遮衰綠
秋蒲柳赧赤春金沙薰猶類莫辨桐梓誰汝嘉山下猶

有巖丘中能無麻杖老竹生力炷病艾所痂芷蘭足幽
媚桃李從俗誇

梅山弟家醉中

名蒞字楚秀

意行無定處適口無夙嗜門外自風埃山中有餘地事
事皆順境物物皆真味梅山今何人而我亦同數麋鹿
所驚怪草木或不置一盃復一盃闔門笑聲沸古道固
如此乃有此同氣謂我且須留崦嵫紅未墜

送道士十二姪歸金觀

世道日以漓人事日以非吾宗昔昌繁儒冠森巍巍時
節相會聚燕笑芳菲菲爾來歲復歲存者星晨稀我今
七十九奄奄一息微汝亦七十八襤褸舊羽衣老我雖
待盡猶與墳墓依而汝百里外芄芄鶴孤飛我非壽彭
錢汝非丁令威年事已到此餘生露易晞後會安可必
欲別增獻款相送出門去溪寒日無輝我竚汝回首此
意知者希丁寧且加餐得健時一歸

題黃長儒松江圖古箋

吾行半東南松江東南竒湖鋪天上水山橫鏡中眉清
風明月夜細雨斜風時扁舟幾來去三揖三高祠泯默
一夢昔欲語將同誰忽馬入老眼百年片無遺人境那
可期畫中時見之

四月十一日與婦小酌玉蓮花前有感

西湖西山坡水樂洞之側有池當軒綠有花當夏白風
潤脉柔莖午芳擅正色方來玉石瓣圓中珠一的曾攜
真率盃相看契清閨主人自城居付與乘閒客回頭一

十年今日為何日
窻前小盆池
又見此花發
花於我何
心我見花自惻
老妻頗解事
一笑深太息
胡為不自知
君已八十一
洛陽白牡丹
揚州紅芍藥
魂夢且不到
何獨傷懷
昔我聞垂頭
答風雨天昏黑

次韻黃岩高志尹

名畊
寄壽

冠屨天地間
車笠風雲從
我行半東南
已復八十翁
取友必端人
求我我蒙童
初見老不化
宿學今何功
萬丈委羽山中
有人中龍文
氣蘇玉局心
事龐德公
豈不欲

納交誰與先為容何物淪小子託根歲寒松寄我壽我
詩墨妙揚古風扇開眼眊矐翼起身龍鍾要知片雲外
實共二浙東氣以類相應面未心已同端如獲驪珠不
羨放鴿籠濫吹譜美莖難報來施豐

送陳孔晨自錄鄞學任滿西歸

思昔南墅翁用不盡書力留以裕厥子着鞭飽諳歷鄞
庠多材地糾錄迂分職休休自無犯耿耿不事激時雨
化後生春風久宿德妙墨雲烟飛清吟雪霜逼萬口何

異辭三年如一日芙蓉桂花天扁舟戒行色悵飲集寮
窠袖詩空士籍相送相致祝此去萬里翼非入蓬萊觀
則上梧桐掖我素與子契而况同宗出區區愛莫助珍
重而翁積豈不欲臨餞耄笑筋力嗇數語教兒洵持候

州西驛

似戴時芳

豐山在屋前後坐龍溪龍中有人中龍固窮氣自豐溪
山千萬狀朝夕與從容浮塵任開闔本色無淡濃我本

深村夫見此更熱中目送鷓歸雲耳接漁歌風徘徊不
忍去樂哉此迎逢何當中年留回顧無宿春

本堂集卷二十六

欽定四庫全書

本堂集卷二十七

宋 陳著 撰

原闕

本堂集卷二十七

欽定四庫全書

本堂集卷二十八

宋 陳著 撰

原闕



本堂集卷二十八

欽定四庫全書

本堂集卷二十九

宋 陳著 撰

五言古詩

次韻張子華九日長詩

君家脉壽張文氣雄一鄉顧我不自武窮於凍履常異
盼獨見嗜古道無炎涼憶昨夏季望南風溪山香渠渠
飛帖盟佇我高峯行漓俗非所捉此味如和羹壽我醴

蘸中沃我熬屑薑別來坐成久感激如拊牀我耄君亦
老無預世短長向來塵埃迹如雲風掃將簞瓢足不足
聽天自斟量秋無宋玉悲春無少陵傷逢迎但歌笑傲
晚劇戲場不然徒自苦平地皆羊腸加于人數等衰劣
如何當

送曾孫灼出贅盧氏

男生必有室有室在嗣親家貧或出贅出贅難為人汝
今為此行及此初花春粼粼潮迎舟葉葉風吹巾鳳雲

已在眼不覺生精神我方為汝憂老語因重陳其脩汝
容止其謹汝吻唇門庭勿忘舊市井勿隨新沉醉不如
醒沃飽不如貧僥倖多非福歡笑容易顰主敬為根本
力學解困貧賢哉盧氏翁昔我相面頻別來五十年忽
忽隔一塵誰知有今日汝得為婚姻情既翁壻洽義實
師生均造次莫非教歲月如去輪闕
何此為

終身留欲副清冰歸欲見老椿要須日凜闕

津

應吳伯秀縣尉

名化龍

教鄞學求詩

四明萬丈厓佳氣蒸氤氲融結固有在特起誰時君丹
霄舞飛霞青春藹竒芬目下開五色賸把天香分飄飄
忽自得盤薄蓬海濱無心出岫想傲睨黃埃塵秋臺挾
明月驅馳下東鄞談言邑庠舊教事非易新詩書墮寂
寞衿佩苟朝曛欲借膚寸陰化為無邊春胡為乎水雷
珍重經綸屯何當自山川流動志氣神扇之月旦評推
以天風輪終然難卷藏快覩本色真詞章要織組手有

錦繡紋道義在培植身為枝葉根須知大造化不問官
卑尊因思杜先生如古王河汾宇宙非不寬鄉里乃急
親賢躅漸寥邈凜凜哉斯文吾為石雲賀亦以勉石雲

寄賦慈溪沈氏愛菊亭

我不識愛菊却與菊相識寒前後著花土中央為色微
苦養長壽晚香擅清德滔滔彼世人方為桃李役誰能
起淵明參到菊太極

外孫黃相兒求詩

可人黃外孫來吾與汝言是為慈溪嫡未離嵩綠門以
身答世譜學問為本根吾言雖老拙銘心其永存

三月二日醉中快活吟第二筆

看花須少年老眼如夢然人生不滿百動要言及千富
莫如金谷貴莫如平泉其能幾何時回首皆塵烟我貧
雖到骨妻孥尚周全縱有炊斷續未嘗見憂煎如此只
如此吾有命在天今朝一盃酒知者誰為賢

新揭州學扁鄉人求賦

芹水揚新波杏壇敷新陰春風年年事乃有春如今薰
薰禮義香洋洋絃誦音但看此身貴遐不相玉金疇昔
豈堪夢足繫口就瘖風雨魑魅多一坎幾千尋文明應
奎壁杲杲白日臨綆之濯清冷鼓之起理沈犁鋤彼自
分丕我以佩衿花封肇魚符儒庠視泮林筮言更扁揭
籀法何嚴森正氣護宮牆精光貫書琴賢侯蒞落成寮
案分盍簪殷懃公堂酒再拜奉一斟願言壽斯文師友
相規箴道腴養斯豐學浚後斯深底柱既有在狂瀾可

能淫庶為鄒魯國不負孔孟心

笑笑一篇代簡答王之朝

昔惠家獅兒雪白真可取摩挲方脫懷跳躍遍庭宇
意在飽可饜飼養如舊主無菜安有肉無倉那得鼠怒
眼如饑鷹奮爪過虢虎撞破儲粟瓶翻倒生魚釜謂可
共談薄豈期遭慢侮今又餉脩梅驚走孩兒女筠籃未
壁封環哄爭起舞獐于猿狖攫慕其螻蟻聚刑猩手濡
血漬密口流乳老齒本自踈吞吮頗辛苦布衣惜如錦
汗

染濯不去非不知滋味亦欲驕腸肚祭非素富貴饒舌
崇貧窶于我亦云厚自料無報所聊以此為耐免得交
關
平生相忘契笑笑一掌拊

題僧維枏詩卷

鳳鳥不肖鳴蚓竅出蟲聲陰雨不見星腐草流燭螢卓
公獨何為不與時同情風流晉宋間眼中無四靈言言
意脉脉字字聲鏗鏗我老見已曩讀之水投冰珍重復
珍重好處虎嘯谷嗟哉南山下諸老家為塾彼饜何人

斯飲食酸寒肉衣冠坐塗炭衽席生桎梏星節來自西
一見無遺目丰稜霜雪巖號令風雷速恩波四溟湧文
焰九霄轟征徭脫濫籍詩書還敦俗感感愁者欣嗷嗷
流者復耄矣八旬翁淒其無半菽亦欲學龐公不着城
市足要識澄清轡滿慰平生欲扶曳語鄉人具來拜僕
僕下為一邑謝上賀天下福

次韻段約齋送弟嗣宗來赴吾邑縣尉

宦遊及奉親同氣有贈言至哉天下樂難與他人論昔

賢館官綬憂責先洗寃行志此其始寧為利欲昏持此娛
祿養有政出孝門紛紛時勢眼庶見古壘樽

壽天寧寺主僧可舉八十

彌勒下天宮化身千百億應世來住山誰是直翁直海
眼闕 脚春心有鐵脊閱歷十五期作為萬分一洗盡
舊氛塵幻出新金碧層霄撼鼓鐘證明大功德法嗣鎮
別洲澎湃好消息歡喜不聞聲蕢嘆自生福今日是何
日相慶開九秩我亦有偈言自知非本色欲憑南風便

吹入莊嚴域

代范景山湘和弟觀韵

厦傾木不支鼎重足先折關張不終身儀秦亦無舌兒
嬉柵關木文具鎖江鐵生靈痛何辜宇宙半流血山中
日夕佳翁媪自怡悅問我何為來留我共朝啜抵掌告
時艱低頭聽我說我家本平原百年三族合詩書聲相
聞伏膺共為活一朝北軍飛連甍歸燭烈驚奔忘險遠
妻孥手扶接豈料哭窮途忽與親相接患難相勞苦盃

酒情意決出山未有期
草廬倘同結鷓鴣苟一枝
烏鵲

同三匝

本堂集卷二十九

欽定四庫全書

本堂集卷三十

宋 陳著 撰

歌行

贈醫相者趙月堂

維摩居士病不起却向方丈說法無一事此證何證
無實證針灸湯藥所不治子房狀貌如嬪人及到籌帷
決勝無比倫此相何相無實相骨骼毛顏不足論我雖

不能學居士逢人笑語中痛痞我雖不能如子房崢嶸
自在虛皮裏落魄道人趙月堂挾醫與相走四方肘後
有方千金良眼中有電千里光自謂無病不可藥不知
我病不在脉自謂無人不可相正恐我形難摸索去年
相訪無一辭忽焉而去豈其欺今年重來又默默問之
不答惟求詩女袖醫手緘相口却要我開詩口落女手
一詩贈行聊爾爾要見我證我相三年後

前紀時行

孟春朔日雷聲發雷後兼旬雨不歇仲春之朔近春分
一夜風雪四山白豐歉氣候看春頭乃今變異連兩月
陰陽磅礴天地間自有常程更閉洩今此胡為顛倒行
闔闢萬物失其節欲一出門泥濘深巡簷問天天默默
老農忽從何處來謂見歲時記中說雞旦之雷雖非時
猶曰其占多黍稷今朝雨雪却非宜米價當湧民食缺
吉者未幾凶者繼孰知所喜轉愒愒向來好事多不應纔說
乖症不可活黯然相對尚可言但願所應在雷不在雪

寄賦黃東發湖山精舍

斷鼇奠極戲者誰岷山如龍萬里馳大江之陽起衡岳
率律散作千委蛇直趨四明卓秀偉二百八十峯參差
潮江合捧山駐脚伏脉分行東西支東或蛾眉或鳳翼
茫洋萬頃琉璃陂二靈沈浮挾霞嶼大涵回顧藏險巖
我昔經行一俯仰問百年前此何其爾來世變那可道
前輩風流歸春澌山川無言黯失色徒使旁觀重歎歎
西來諸峯江之外獨把古青何巍巍遠跨渤澥波瀾漫

近枕池水清漣漪平生聽人歷鋪說屐齒欲到足猶縻
况彼地靈所融結是為之越老崛竒且聞勝處巧著屋
包括光景無餘遺幾年期我數語贅終恐摸索非真知
忽焉自省筆自舞但說此翁他何疑怪石稜稜聳瘦骨
秀色隱隱開疎眉寬曠能容萬壑赴峭特雄壓千秋卑
雲雨蓄洩大功用波濤變化皆文辭上而層陰入鳳皇
下而瑞脉生蘭芝浮雲藹藹自東去本相不受時粧脂
曉猿不驚鶴不怨幽花草野草芳菲菲以所見見有如此

又何以觀山水為君不見蘇子由詣京師自謂終南嵩
華雖已見不若得見韓公琦又不見歐陽公贈別時說
道廬山高哉幾千仞即此便是劉凝之我翁視此亦何
愧愧我蕪拙欠發揮若曰湖山精舍自品題自有黃曹
二賢之長詩

闕戴師初食長齋

漂泊無家杜少陵兵間奔走隨蓬萍碧澗香芹固所嗜
鱸鯉豈厭銀絲精百謫九死蘇玉局到處為鄉心自足

有時珍嘗百糝美何嘗不食黃雞粥二子流落甚數奇
攻苦食淡分所宜顧無所釋隨所有亦曰吾師吾仲尼菜
瓜魚肉皆可食鄉黨一篇炳星日君胡不學聖與賢乃
外吾道從道釋豈薄朱門粉乳郎窮搜滋味豐時裝豈
惡羶帽侏儒輦搏攫羊豕飽腥肪不則牀頭怕金盡不
則繼肉乖風準遂將所受父母身束縛枯腸強堅忍况
聞君家百指餘正是不同藜藿厨獨立標榜人所駭此
意未知果何如君子之道在耳中纔落一偏犯公議有

則庶羞不為過無則乞食亦常事朋友切磋欲無瑕早
從吾言勿姑差庶幾上不見標于仲尼之門下可並齒
于杜蘇二子之家

弟滄家醉中趣筆

前山屏開照簷綠後山如坐膝抱屋數畝山園半畝池
松影參差庇梅竹九月九日天氣清銀白金黃百種菊
詩人好事酷喜客新酒蕩醺烹野蔌中有有識剪髮妻
談笑吐嗟具魚肉我醉不知日午晡但覺意氣橫山谷

吁嗟乎為何如時我輩得此一日福宇宙自隘我自寬
人生無厭我自足梅山生計亦凄然一醉何曾計餽粥
浮丘洪厓總妄傳最好只有三萬六千局

本堂集卷三十